

Piriputari Kemiⁱtiwaruniⁱ'airi Papuru

Wairitsika

¹ Papuru Timuteu hamatia,
temite'uximayatamete Kiritsitu Ketsutsi
hetsiemieme,

yunaiti xemupatsie Kiritsitu Ketsutsi
hetsie xetewiyati Piriputsie xemitama,
te'iwiyamete meta teparewiwamete yunaime
tekanixewairitiaka:

² Kakaiyari mita'ukiyari, meta Ti'aitame
Ketsutsi Kiritsitu 'aixia mekete'u'iyarini
xehetsiemieme, meta yu'iyaritsie mekexepitiaka
xemika'uximatiaⁱriekaki.

Papuru yunenewieti yuri memite'erie wahetsie kemiⁱtiwaukai

³ Ne nekakaiyari pamipariyutsi nekanipitiaka
kepauka nemixeha'eriwa.

⁴ Kepauka nemiwawirie yunaime xehet-
siemieme, neyutemawieti nekaniyunenewieka
neheyemeki,

⁵ pamipariyutsi nekanipitiaka temitaxewiki 'iki
niuki tekuxatati 'aixia manuyine matiari hepai
hikita yaxeikia.

⁶ Mipai yuri nekatini'erieka: kemi'ane mitsutia
xekuyuitiwati 'aixia 'anemekⁱ ti'uximayati xehet-
sie, miki katinaye'atiakamiki kepaukake Kiritsitu
Ketsutsi munuani.

7 Miki kaniheitserietini mipai nemitiku'eriwaniki xehetsiemieme, ne'iyaritsie nemixeku'eriwaki, tsepa nemanutahiya yatini nehetsiemieme nehaniukakaku, meta niuki 'aixia manuyine nehekiatakaku, xeme yunaiti nehamatia xepite'uximaya Kakaiyari 'aixia tiuka'iyarikaku nehetsiemieme.

8 Kakaiyari katinimaika kenemitixenaki'erie yunaime, nexeku'eriwati Kiritsitu Ketsutsi hetsiemieme.

9 Mipai nepitiwawirie neyunenewieti: xeme yemeki xenaki'eriya ketimairirimeni heitseriemeki xetemaiwaweti, naimeki kemireuyewetse yaxemiteyuriekaki,

10 xemiwiwaweniki xemipataniki 'aixia miti'ane meta 'axamiti'ane kexemite'imate. Mipai xeteyuriekaku, kepauka Kiritsitu munuani kanimatsiikikamiki kexemikatetsewiximarieka, xehetsie karahiwwakaku,

11 'aixia miti'aneiki xekenehipineni Ketsutsi Kiritsitu xepitiakaku, 'aixia mitikuxaxatsiwaniki meta Kakaiyari niawarieyaki.

Xika ne'ayeniereni Kiritsitu 'aixia ketikuxaxatsi-wani

12 Ne'iwamarixi, nepitixetaxatiani kenemiranayetia hepaitsita, mipai xemitemaikaki, matsi waikawa 'aixia puyi niuki 'aixia manuyine mi'enierieniki.

13 'Uwa yunaiti paratsiyuta tehiwemete meta hipati yunaiti mipai mepitehetima Kiritsitu hetsiemieme nepanutahiya hiki.

14 'Iwamarixi yumireti menetsiha'eriwati kenemiranutahiya, Ti'aitame hetsie metewiyati

mekaniyuwairiyani hiki matsi waikawa
Kakaiyari niukieya memikuxataniki meka-
heumamati.

¹⁵ Kaniyuritini hipati mekatenikuxatani
Kiritsitu hepaitsita meniukixieti meta
metehayu'iwakuti, matsi hipatita 'aixia 'anemek
mekatenikuxatani.

¹⁶ Miki 'imatirieka yuriki mekatenikuxatani
menetsinaki'eriet, mipai metemaiti nemanayex-
eiyarieki niuki 'aixia manuyine hetsiemieme ne-
mutaniukaniki.

¹⁷ Hipati pita mepitehekiata Kiritsitu
hepaitsita mewara'iwakuti hipame, wa'iyari
kayuxewikaku, mipai mepiteku'eriwa, matsi
waikawa nemi'uximatiariekaki ne'anutahiyyati.

¹⁸ Tsepaneti kememiteyurie Kiritsitu kanikux-
axatsiwani, ne 'ayumieme nepinetemawie,
tsepa yaki memitekuxata, tsepa yuriki
meyuwairiyati memiyya. Matsi neyutemawieti
nepikatihayewani.

¹⁹ Mipai nepitimate, 'aixia pitiyini pamipariyutsi
xeme nehetsiemieme xeyunenewiekaku, meta
Ketsutsi Kiritsitu 'Iyarieya netsiparewiekaku, 'iki
naiti 'aixia pitiyini nepixine.

²⁰ Mipai yemeki yuri nekatini'erieka
meta mipai netita'ikwewati 'uxa'atini warie
nepikatewiyatsitarieni, tsepa nemayeni
tsepa nemumi, matsi Kiritsitu kemitimariwe
kanimatsiikikamiki yaxekia meripai hepai.

²¹ Ne nehetsiemieme nepika'ayeni, Kiritsitu
kanihikitini mayeni, mexika ne'umini matsi
nekatina'iwamiki.

22 Hiki 'akuxi, xika newaiyaritsie ne'uyeikati neyuhayewani 'ena kwiepa tixaiti nemitiyurieniki neti'uximayati, ke'ane kame nepanukuweiya. 'Atsinepikatimate kemi'ane matsi 'aixia miyinikeyu.

23 Hutameki nenehiaweti nepi'iyarixie. Nepinewairiya nemiyemeki Kiritsitu hamatia mana nemeyeikaniki, mipai matsi waikawameki 'aixia pi'ane kaku.

24 Perutsi xehetsiemieme kaneuyeweka matsi 'ena neminehayewaki newaiyaritsie netiwiya.

25 Hikirixia nepiretima kenemitiyurieni, mipai ne katinimaika neminehayewaniki. Yunaime xehetsia nekaninehayewamiki nexeparewieti matsi waikawa xemi'iwaweniki, xemi'yutemamawiekaki yuri xete'eriet.

26 Xika tawarita xehetsia nehenuani, xeme waikawa xepuyutemamawieka Kiritsitu Ketsutsi hetsie xetewiyati, nehetsiemieme miki waikawa 'aixia kemitiyuriene.

27 Tsepa xemu'uximatiarie, yaxeikia xeketene'yurieka, kemireuyewetse yamitiyurieneniki heixeyati niuki 'aixia manuyine Kiritsitu hepaitsita, mipai xeketene'u'uwani. Xika mipai xeteyurieka, tsepa xehetsia nemeyeika nexexeyati, tsepa 'atewa paiti nemeyeika ne'enati xehepaitsita, mipai ne katinimaikamiki xemi'yutseiriyaki 'iyari xehexeyati miyuxewi, yaxeikia xeteku'eriwati yunaiti xemi'yukwitiweki kapa xe'unawaiyarieniki titatsie yuri xemi'te'erie niuki 'aixia manuyine kemaine,

28 memixe'aye'unie xepikawarayemakaxeni

kepauka miki memixemariutani. Mipai xeteyurieti 'iniari xenakinikuni wahepaitsita, kememiteheuyehiiyani. Xemeta yuhetsiemime 'iniari xepakine Kakaiyari kemitixe'utawikweitsitia.

²⁹ Kiritsitu hetsia xemimiemeteki xepupitiarie yuri xemite'eriekaki, matsitsi 'akuxi xepipitiarieni xemitekwineki hetsiena mieme,

³⁰ yaxeikia nehepai xeketeneyukwitiweni hiki, meripaiti kexeminetexeyakai yanetinemieneme, hikita kexemite'enana kename yanetinemiene.

2

Kiritsitu tixaiti katihikititi kemirayuyeitia, 'ariketa mariwetu kemiratia

¹ Ayumieme, xika 'aixia xeteyumaika yuhetsie Kiritsitu hetsie xetewiyati, xika tenitiarieka ketemiteyukanaki'erie, xika 'Iyari hamatia xeyuxewini yunaiti, xika xeteyukananimayaka kexemite'u'iyari,

² xikatsi mipai 'aneni, neyutemawiekame xekenenaye'atia, yaxeikia xeteku'eriwati, yaxeikia xeketeneyukanaki'erietu, yuhepai xeteyukihaweti, xekeneyuwairiyani yu'iyaritsie xemiyuxewiniki.

³ Hipame xewara'iwakuti xepikayiaka, teiteri xehepaitsita 'aixia memutiyuaneniki xeikia xepikayiaka, mamariwawemete xekeniwa'erieka hipame, xeme pita tixaiti xekatehikitime xekeneyu'erieka yikimana.

⁴ Yuxexuiti xeme xepikatekuwautiweni tita xehetsie mitimieme xeikia, tita hipame wahetsie mitimieme pita xeketenekuwautiweni.

5 Kexemite'u'uwa Kiritsitu Ketsutsi hepai
xeketeneyumaika,

6 Tsepa mikakaiyaritikai Kakaiyari hepai 'aneti
pika'ayuyeitia,
peru mipai pikatiku'eriwakai kename 'aixia
yinikeyu xika Kakaiyari hepai mariweti
'ayuyeitianike, tsepa miyiwekai.

7 Katiniuhayewa heitserie hexeyati,
kemi'ane wairiyarika miti'uximaya hepai
'aneti kanayuyeitiani,
Teiteri wahepai 'aneti kanayani.

8 Merikitsi xeyarieti tewi hepai 'aneti,
tixaiti katihikititi kanayuyeitiani,
Yakatiniekamiekaitini tsepa mumi,
kuruxitsie kaniumierieni.

9 Ayumieme Kakaiyari mariweme kaneyeitiani,
kanipitiani witsimitimariwaniki kemi'ane
mihiki,
hipati kememikatemariwa hepai.

10 'Uxa'atini warie kepauka Ketsutsi
mitahiawarieni kemi'ane mihiki, mipai
kemitimariwa,
'ana yunaiti mekanikatunuma'uikuni
nenewieri mekanipitiakuni,

taheima memitama, kwiepa memitama,
meta kwie hetia memitama,

11 Yunaiti mekaniyutahekiatakuni, ke-
memiteheitima Ketsutsi Kiritsitu kename
Ti'aitame hiki, me'utiyuati,
'ana 'aixia katinikuxaxatsiwamiki Kakaiyari
mita'ukiyari.

Teiteri ketemitewahekiatia

12 Xemeta nenaki'erima, mipai nepitixetahiawe, yuheyemeki yaxekatenikahukaitini xehetsia neheyeikakaku. Hiki 'ateewa paiti neheyeikakaku matsi waikawa peuyewetse yaxemitekahuniki Kiritsitu hepai. Yaxeketeneyurieka kemireuyewetse yaxemiteyuriekaki mexi xetawikweitsitariexime, peru xeheumamati xe'utiyiyiakati.

13 Kakaiyari kanihikitini kemi'ane yamitiyuriene xetsata, xekuyuitiwati xemiyuwairiyaniki, 'arike meta yaxemiteyuriekaki, kemitixekuyuitiwa yakatiniyimiki kemitinake.

14 Mipai naimeki yaxeketenekahuni, xekaniukixieti niuki xekaxiatati.

15 Mipai xeteyuriekaku, xehetsie pikarahiiwani, xepika'inika tita 'axamiti'ane. Matsi Kakaiyari niwemama xekanakinikuni, xepikatsewiximarieka teiteri watsata xe'u'uwati wa'iyari mututuni memeuyexirie. Watsata xe'u'uwati xekaniwahekiariwiyani, kwiepa xurawetsixi kememitehekiariwie wahepai.

16 Niuki xekanexeiyani waranutanieritiwame. 'Ayumieme 'aixia nekatiniyumaikamiki nexeha'eriwati kepauka tukari maye'anitsie, kepauka Kiritsitu munuanitsie. Xehetsie katinimatsiikikamiki 'ana, yaki xeikia nepika'utananautsakai meta kenemiti'uximayakai yaki pikarayani.

17 Tsepaneti netukari mawari mayeitiarie, hetsiena mieme xekateni'uximayaka, xika ne'umierieni mipai yuri xemite'eriekaki, nexuriyaki xika xemawari 'uxurimarieni,

mikiki nekaninaki'akamiki, xeme yunaiti
kexemiteyutemamawie, neta xehepai
nekaninetemawieka.

¹⁸ Merikite xemerita yaxeikia
xekeneyutemamawieka, 'axeikia
temitatemamawiekaki.

*Timuteu meta 'Epapiruritu ke-
memiteyurieniekai*

¹⁹ Ti'aitame Ketsutsi hetsie netiwiyaṭi mipai
nepitiku'eriwa, kwitiwa xehetsia nepenuni'ani
Timuteu, ne'iyaritsie nemitirikariyarieniki nereti-
maime xehepaitsita.

²⁰ Xeime nepikahexeiya hepaina tiuka'iyarime,
miki xeikia 'aixia 'iyariki kaniyu'iyaritiaka xehet-
siemieme.

²¹ Hipati yunaiti tita wahetsie mitimieme xeikia
metenikuwautiweni, tita Kirititsu Ketsutsi hetsie
mitimieme mepikatekuwautiwe.

²² Xeme xepimate 'iya, kemiti'iniatsie
kemitimatsiiki, xepitemate nehamatia
kemiti'uximaya niuki 'aixia manuyine
tekuxatakaku, raniwe yupaapa hamatia
miti'uximaya hepai.

²³ 'Ayumieme mipai nepitiku'eriwa,
nepenuni'ani kwiti neretimaime kemitiyini
nehapaitsita.

²⁴ Ti'aitame hetsie netiwiyaṭi yuri nepiti'erie
kwitiwa neta nemiyemieki.

²⁵ Mipaita nekatniku'eriwani, peuyewetse
ta'iwa nemanuni'aniki xehetsia 'Epapiruritu,
miki nehamatia katini'uximayaka, tahamatia
tekanikuyaxitini. Xeme xekaneiyeni'ani nehetsia
minetsiparewiekaki kemireuyewekai.

26 Yunaimē kanixexeiyamīkīni, kaniyuhiw-
eriekaitīni xemu'enanaki kemītikuyekai.

27 Kaniyuritīni katinikuyekaitīni, 'etsiwatikaku
kaniūmīni. Matsi Kakaiyari kanitinenimayata,
yaxeikīa neta netsinenimayati, kapa nenetihw-
erieme tawarita nenutuixiekaki.

28 'Ayumieme nekaninewaiyari neme-
nuni'aniki xemiūtemamawiekaki xeme tawarita
xe'ixeyati, neta nekanehiwieriēti nemayaniki.

29 Hikiri xekeneutanaki'eri Ti'aitame hetsie
xemitewiyaki, waikawa xekeneyutemamawieka
xehe'eriwati. Miya memi'anene mamari-
wawemete xekeniwa'erieka.

30 Kiritsitu hetsiememe ti'uximayati
kaniūmīni tīma. Yikīmana kaniyukweri-
wayuriekaitīni meye'atīaniki kemireuyewekai
xeminetsiparewienikekaiki.

3

Heitserie nepexeiya waikawameki

1 Miki meta, ne'iwama, xekeneyutemamawieka
Ti'aitame hetsie xetewiyati. Tawarita
mipai netixe'utiirietī, nepinewaiyari, niukiki
nepika'uxiwe, 'aixia kaniyimiki matsi
xehetsiememe xekweriwa'aneakaku.

2 Xekeneyukweriwayurieka miki
nemīwaxataakai 'axamemiteyurie wahēpaitsita,
miki tsiikiri wahēpai memika'itīyatika, miki
wahēpaitsita, xekeneyukweriwayurieka
kememitexe'inīaritiaku xitekiyaki.

3 Tame pita Kakaiyari 'inīarieya tepexeiya, tame
pita tepihiki Kakaiyari temayexeiya 'Iyari ke-
maine, tame taheyemeki tekaninaki'aka Kiritsitu

Ketsutsi hetsie temitewiyaki, miki meta, yuri tepikate'erie herie miemetsie.

⁴ Miki kememi'anene herie mieme hetsie yuri memite'erie, neta mipai nekani'aneni. Xika xewiti mipai tiku'eriwani kename yiwe herie miemetsie yuri miti'eriekaki, ne matsi waikawa nekaniyiwenikeyu.

⁵ Ne'utinuiwaka 'atahairieka tukaritsie nekaniu'iniairitarieni huriyutsixi waxitekiyaki, 'ixaheri teiteriyari wahetsie Wenikamini nuiwariyari hetsie nekaniyeyani, hepırayu tewiyari nekanihikitini hepırayutsixi wahetsie nemiyetia, 'iniari niukiyaritsie kenemitiwiyakai, paritseu nekanihikitikaitini.

⁶ Kenemitinewairiyakai yanetikamieti, nekani-wataweweyakaitini memiyutixexeiriwakai, heitserie kenemirexeiyakai 'iniari niukiyaritsie yanetikamieti, nehetsie pikarahiıwakai yemeki.

⁷ Perutsi Kiritsitu hetsie nemitiwiyakı mipai nepıtinemate, miki naime nekatiniutatımaiya, naime kımana 'aixia nemı'itıarienikekai.

⁸ Miki meta, tsepa kemititita, naiti katiniutatımaiarieni kenemitixeiya, mipai nemıtinemateki, matsi yemeki 'aixia nekani'itıariemiki ne'imaiti neti'aitıwame Kiritsitu Ketsutsi. Mikitsie nemımiemekı 'ari naime nekatiniutatımaiya, tsepaneti, miki naiti xatsi xeikıa kanihikitini kenemitixeiya. Nekaninewairiyani matsi Kiritsitu nehexeiyati nemayaniki,

⁹ hetsiena netiwiıyati yanepıtxeiıariiekakeıyu xeikıa. Nekımana heitserie nepıkahexeıya, 'iniari niukiyaritsie yanetikamieti heitserie

nepikanepitia nekimana. Matsi heitserie kenemirexeiya, Kiritsitu hetsie yuri nemiti'erieki pita heitserie nekanexeyani, Kakaiyari heitserie keminetipitia yuri nemiti'erieki.

¹⁰ Mipai xeikia nepitineiwairiya, nemimaikaki Kiritsitu, nehetsie nemimaikaki tirikariyaya kimana manukuketiarie, ne hamatiana temitaxewiniki kemitiukwinixi netimaiti, hepaina ne'aneti nemayaniki miki ke'aneti matia 'umierieka.

¹¹ Nekanaye'anikeyu xeikia ne-manukuketiarieniki mikite watsata.

Kemitiunanautsakai, he'iwake

¹² 'Akuxi mipai nepika'ane, 'akuxi nepika'aye'awe. Kiritsitu Ketsutsi pinetsi'u'axixi, neta nemi'axeniki tita minetimini. 'Ayumieme nepinemexiitia, yanemiraye'aniki.

¹³ Ne'iwama, ne'aye'ame nepikane'erie 'akuxi. Peru tsikeretsi mipai nekatiniyurieneni, nekanetimaiya netsutia mieme, nekaninetatuni matsi hiki nemi'axeniki neyeta mieme.

¹⁴ Yanetiunanautsati nepinemexiitia neme'iwaki, Kakaiyari keminetiuta'ini taheima miemekiki nemi'ayumiemetiniki Kiritsitu Ketsutsi hetsie netiwiyati.

¹⁵ Ketapaiyeti temitsetseiyem mipai teketeku'eriwani. Xika yiki xeteku'eriwani, Kakaiyari yakatinixehekiatiamikiki.

¹⁶ Ketemite'aye'axiawawe, mipai yateketekahuni.

¹⁷ Ne'iwama, yaxeikia xekenene'ikeni ne kenemitiyuriene, tame 'iniari tekanihikitini, miki tahapai memite'u'uwa, miki xekeniwaxeiyani.

18 Yumiireti kememite'u'uwa, mekaneye'unieka Kirititsu kemitiwierie kuruxitsie. Wahepaitsita miixa netinixekuxaxatiwakaitini, hikita yaxeikia nepaine ne'utatsuati.

19 Miki mekanika'unariekuni xeikia, yuhuka mekanayexeyani yukakaiyari hepai. Witsime'ananeme mekaniyuxatani kepauka mipai memiyia ketemitetewiyatsitari. Kwiepa timiemeki xeikia mekatena'eriwani.

20 Tame pita muyuawitsie tekanikiekataritini, 'ayumieme tekanikwewieka tatsiwiikweit-sitiwame Ti'aitame Ketsutsi Kirititsu 'umamieki.

21 Miki yiki 'anekame tawaiyari kaneyeitiamiki, hiki tixaiti tekatehikititi 'iki tawaiyaritsie teka-niu'uwani, peru 'ana yuwaiyari hepai 'anekame kaneyeitiamiki, witsi'aneti kemitiuyeika miki, mipai katiniyuriemiki yitirikariyaki, mipai titirikaityeti kaniyiweni naime yatikamieme mayeitianiki, miki kemiti'aita.

4

1 'Ayumieme, ne'iwama nenaki'erima, nexexeyamiti nemixenaki'erie mipai nepitixekihawe, xeme xeminetsitemawieritia xepihiki meta nekuruna, Ti'aitame hetsie xetewiyati xekakuyuitariwati xekeneuti'uti.

Yuheyemeki xekeneyutemamawieka Ti'aitame hetsie xetewiyati

2 Neuxei 'Euhuriya, neuxei Tsinitike, wairiyarika nekanixepitianikeyu yaxeikia xemiteyumaikaki Ti'aitame hetsie xetewiyati.

3 'Eki meta nehamatia yuriki pemiti'uximayatame, nepimatsiwawirie 'eki

pemiwaparewiewekaki miki 'ukarawetsixi,
 nehamatia 'axeikia tepitakwitiwekai niuki
 'aixia manuyine tekuxatati, Kiremeniti hamatia
 hipameta wahamatia nehepai te'uximayatamete,
 miki mepaka'utiarie xapatsie tukari memexeiya
 manuyinetsie.

⁴ Merikite, yuheyemeki xekeneyutemamaw-
 ieka Ti'aitame hetsie xetewiyati. Tawarita
 nepaine: Xekeneyutemamawieka.

⁵ Yunaiti teiteri mekexexeiyani
 xeka'ayu'eririyakaku. Ti'aitame 'ahurawa
 kaniuyeikani.

⁶ Xepikayu'iyaritiaka tixaiti hepaitsita,
 matsi naimeki xeyunenewieti xe'iwawirieti
 pamipariyutsi xe'ipitiati, yaxeketeneutahiawi
 Kakaiyari tita xemite'iwawirie.

⁷ Ana Kakaiyari kanixepitiakamiki yu'iyaritsie
 xemika'uximatiariekaki, mipai tixepitiati xe'iyari
 kani'iwiyakamiki, tsepa xeme 'atsixemikatemate
 kemitiyiweni mi'iwiyaniki, kexemiteyikihawetsie
 kanixe'iwiyakamiki Kiritsitu Ketsutsi hetsie
 xetewiyakaku.

⁸ 'Imatirieka ne'iwama, naiti yuri miraine,
 naiti mireuyehiwiyarie, naiti mitiheitserie,
 naiti miti'itiya, naiti witsimi'ane, naiti
 'aixiamaine, tsepa kemtitita xika 'aixia 'aneni,
 xika 'aixia tikuxaxatsiwani, miki hepaitsita
 yaxeketeneyikihaweni xeme.

⁹ Kexemite'u'ikitie, kexemiteyetuiriyarie,
 kexeminete'u'eni, kexeminete'uxei
 yanetiurienekaku, mipai yaxeketeneyurieka,
 kemi'ane mixepitia yu'iyaritsie

xemika'uximatariiekaki, miki Kakaiyari
xehamatia kaniuyeikamiki.

Piriputari kememite'iparewiekai

¹⁰ Ti'aitame hetsie netiwiya^{ti} waikawa
nepinetemawie, tawarita xemitsutiaki
xenetsiha'eriwati. Tsi^{ri}ki xepinetsiha'eriwakai,
matsi pumawekai xewiti xeme miyiwekai tixaiti
mitiyurieniki.

¹¹ Ne nereuye^{hi}ati nepikahaine, nepi'iyamate
ne'iyari 'aixia miyⁱniki nekimana, tsepaneti
kenemiranayemie.

¹² Nepi'iyamate tixaiti nekarexeiyati, meta
waikawa nerexeiyati. Naimeki yanepitimate
nemitahuxaniki meta nemihakaminiki waikawa
nemirexeiyaniki tixaiti nemikarexeiyaniki
nepi'iyamate.

¹³ Naime nekatⁱnikemaka Kiritsitutsie
netiwiya^{ti}, miki netsitirⁱkariyakaku.

¹⁴ Matsi 'aixia xepite'uyuri nehamatia xeyuxe-
witi kenemiti'uximatariiekai.

¹⁵ Xeme, piriputari, mipai xepitemate
kemitiuyi kepauka niuki 'aixia manuyine
mutsutiarie kuxaxatsiwati, Matseruniya kepauka
nemeyetia, mana memiyutixexe^{ri}wakai
mepikanetsiparewiekai tuminiki,
nemitinetuakaki meta nemitin^anekaki, xeme
xeikia xepinetemikwakai.

¹⁶ Tetsarunika paiti neheyeikakaku tita
nemireuye^{hi}akai xepineteheni'airi heiwa meta
hutarieka.

¹⁷ Netikuwauneti tawarita yaxemineteminiki
nepikahaine, matsi nepitikuwaune tita
mitixe'imikieri timiⁱreti mirayaniki.

18 Nekanitanaki'erieniri xe'imikieri naime, kananuyuhayewani, katinaye'ani tita nemireuyehiakai, 'Epapiruritu netsi'u'itiaku tita xemiteheyeni'a. Kexemite'uyuri, miki 'imikieri witsimu'ia hepai kaninaki'eriwani, miki mawarika Kakaiyari kaninaki'erieka.

19 Ayumieme, nekakaiyari katinixeyetuiiemiki tita naime xemiteheuyehiaka hepaitsita, waikawa mirexeiyaki witsiti'anenekame, mipai kemitimatsiiki Kiritsitu Ketsutsitsie.

20 Kakaiyari mita'ukiyari witsiketikuxaxat-siwani yuheyemeki, tsepaneti xeitsienituyari wiyari manuyekika yaxeikia ketikuxaxatsiwani. Mipai xeikia kani'aneni.

Wairitsika 'imatirieka mieme

21 Xekaniwawairitiaka teiteri memipatsie yunaime, Kiritsitu Ketsutsi hetsie memitewiya. Nehamatia memu'uwa ta'iwama mekanix-ewairitiaka.

22 Yunaiti xekaniwairitiarieka xemipatsie, meta matsi yemeki Tsetsaxi hetsia miemete te'uximayatamete.

23 Ti'aitame Ketsutsi Kiritsitu 'aixia ketiyurieka yu'iyariki. Mipai xeikia kani'aneni.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3